

# Mi Love Money

Busy Signal

Hot head turf, Stainless (yea)  
As far as mi see  
Nuff a dem out deh wah tings  
But dem don't wah work fi it (no)  
Mi nah watch nuh man pocket  
Hot head turf, nuh watch nuh man pocket  
Gangsta nuh watch nuh man pocket  
Yo, mi tell yuh dis

Mi love money  
But a nuh every money a good money  
Mi nuh want nuh clean teeth wid nuh hollywood money  
Hustle fi weh mi want, Hot head a hustle hard  
Fi dem owna push come to shove money

Mi love money  
Dats why ghetto youth a hustle harder  
Mi love US, but mi prefer POUND because it broader  
Bruce nah run di place right ask Seaga  
Still mi stepping up mi hustle fi mi dollar

Mi love money  
But mi nah watch nuh bwoy pocket  
Mi nah see di old woman purse an go grab it  
Mi nah see di people dem vehicle and go scrap it  
Mi work fi mi paper den mi stock it

Mi love money  
But mi nah go join nuh man account  
Leff out certain numbers when badman a count  
Wear mi owna tings when badman a go out  
Straight money dats what badman about

Mi love money  
Still mi nah go do certain deeds  
Mi woulda neva bleach, mi hair neva have in beads  
Nuh man cyaa call mi honey, cause mi nuh bees  
Mi nuh wear tights mi pants nah squeeze

Mi love money  
But a nuh every money clean  
Some money bend up and some money lean  
Some money mek yuh switch from yuh owna team  
Even when yuh have it yuh a flex mean

Mi love money  
Ghetto youths nuh sell out sell out  
Root of all evil mek yuh get shell out shell out  
Man a pree weh yuh base an weh yuh dwell out  
Next ting dem dump yuh swell out and smell out

Mi love money  
Mek sure when yuh step yuh have a money  
Yuh owna liquor, yuh owna weed an grabba money  
Cause some bwoy a collect a bag a money  
Monopoly money, man a beg dem an a give dem another money

Money

But nuh bwoy cyaa give mi nuh smile fi nuh coil  
Cause man a gallis, dats my style from a child  
Dats why mi prefer work hard  
Mi nuh fish fi nuh man have mi a steam and jerk hard

Money

But nuh gal nah mine mi,  
Nuh man cyaa stand up infront nor behind me  
Hustle fi weh mi want, a suh god design mi  
Inna nuh cockpit nuh bwoy cyaa fly mi  
Mi see dem wid dem nastiness, go tell dem nuh try mi  
Inna dem bag a su su sus, nuh confuse mi nor tie mi  
Hot head turf nuh mix up inna dem tings fi dem style we  
We hustle fi di paper from we small an we tiny

Mi love money

A nuh everything hot head tolerate  
Nuh gal cyaa kimbo, deh a mi gate an a wait  
A tell mi fi forward because it too late  
She betta cut cause a nuh she a put di food pon mi plate

Mon-mon money

Even tho di ting set a way  
Fi di money right yah now, mi prefer Dj  
Hot head turf nuh support nuh act inna nuh play  
Cause di whole a di play dem out deh seh di actor dem a stray

Money

Work fi weh yuh wah  
Have yuh owna tings (yea)  
Youths on di grind all di time an a hustle fi di dime  
It muss reach di million bracket  
We nah stop climb  
Hahahaha, yuh zeet,

Mi love money

Busy  
Believe me

Mi love money